

# In i to ochji

In i to ochji, ci hè scrittu un mondu  
A via chjara da piglià pianu  
In i to ochji, a mo culomba  
Ci hè l'universu à inventà

Da inventà culombulella  
Per ghjucà pianu cù l'acelli  
E per fà ride e ritournelle  
Di li cavalli è di l'agnelli

In i to ochji, hè natu un mondu  
Ci hè l'universu di e mo brame  
In i to ochji, a mo funtana  
Ci hè u marosu chì si calma

Si calma chì tù canti pianu  
Per u sempre è lu long'andà  
E per lu vechju è lu figlianu  
Quelli d'un populu sempre à fà

Eu cantu per tè è tu parli cù mè  
U silenziu chi ci tene  
E tu canti per mè è eu parlu cun tè  
U silenziu face leia

In i to ochji, ci hè a mo lotta  
Lesiuccia mea a mo bandera  
Tessuta pianu di monti è machja  
Ci hè a to terra da inventà

Da inventà Lesiuccia mea  
Per andà pianu à l'aldilà  
è per fà cresce a lotta mea  
Di a to terra à suminà

Da inventà culombulella

Per andà pianu à l'aldilà  
è per fà cresce a lotta mea  
Di a to terra à inventà

La la ...

La la ...